

Na ocasion di conmemoracion di su 100 aña

## A organisa un tributo postumo p'e legendario den turismo Arubano, Ike Cohen



TABATA na aña 2007, Aruba a perde su incon di Aruba su industria turistico, lagando de facto un bashi grandi. Izaak (Ike) Cohen, un sobreviviente di Holocaust, a scoge Aruba como su isla natal.

Ike Cohen a tuma e reto di habri atrobe Talk of the Town Hotel y Restaurant cu a bira masha conoci, danki na Ike Cohen.

Mas despues den añanan '60, Ike Cohen a duna apertura na Manchebo Beach Hotel y su famoso French Steakhouse cu a bira un otro establecimiento exito y masha faborito di e pueblo Arubano. Otro negoshi cu Ike Cohen a duna apertura tabata Galloway, cu a bin specialmente pa cater companianan di aviacion. Esaki no tabata e ultimo negoshi, ya cu el a habri te awe conoci TEC Inc., un agencia di importacion. Cu esaki por conclui cu Ike Cohen, unda el a pone su man, el a haci'e exitosamente.

Ike Cohen ta co-fundador y a bira e prome Presidente di Aruba Hotel & Tourism Association. Ya den su 90 aña, Ike Cohen a dicidi di celebra su cumpleaños, unda e ta probecha di recauda fondo y tabata duna esaki bek pa un of mas organisacion, cu tabata haya e donacionnan necesario.

E actividad aki tambe a bira mash exitoso, te cu su amigo, Rene Kan a acepta pa bira Presidente di Ike Cohen Foundation, cu te awe ta sigui cu e polisa di yuda organisacionnan caritativo.

Diabierne ultimo, dia 3 di juni, famia di Ike Cohen, manera su yiu Tommy, su yiu muher, Ree, su nieto David hunto cu e accionistanan den e companianan menciona, a bin hunto den Pavilion na Manchebo Beach Hotel, pa conmemora cu dia 2 di juni ultimo, si Ike Cohen a keda na bida, e lo a cumpli 100 aña di edad. E hecho aki a keda celebra den forma di un tributo postumo, unda tambe a duna acto di presencia, Prome Minister Mike Eman, kende a probecha di e ocasion special aki, cu pa garantis pa futuro generacion lo lubida e icon di nos turismo, Ike Cohen, cu riba e Linear Park, sigur dilanti di Talk of the Towns, lo construi un plaza y lo bin un busto di Ike Cohen.

Un gesto cu a keda acepta pa famia y tur presente cu un fuerte aplauso.

Manera Prome Minister Mike Eman a bisa: "Ike tabata un persona, kende unda e pone su man na Aruba, a cambia pa mihor; unda e mira sufrimento, el a sa di trata di cura esaki".